



ლანჩხუთის მუნიციპალიტეტის საკრებულო



წერილის ნომერი: 31-31220272
თარიღი: 27/01/2022

ადრესატი:

ბესიკ ტაბიძე
ლანჩხუთის მუნიციპალიტეტის საკრებულო-საკრებულოს თავმჯდომარე

ლანჩხუთის მუნიციპალიტეტის საკრებულოს ფრაქცია „ლანჩხუთი საქართველოსთვის“ სხდომის ოქმი №1

ლანჩხუთი 21.01.2021 წელი

14.00საათი

სხდომას თავმჯდომარეობდა ლანჩხუთის მუნიციპალიტეტის საკრებულოს ფრაქცია „ლანჩხუთი საქართველოსთვის“ თავმჯდომარე – **მაკა მშვიდლობაძე**.

სხდომას ესწრებოდნენ: ჯუმბერ ბლაგიძე, გოჩა ჯანაშია.

მოწვეული პირები: ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსი-როლანდ ლაშხია, მერიის განათლების, კულტურის, სპორტისა და ახალგაზრდულ საქმეთა სამსახურის უფროსის მოვალეობის შემსრულებელი პაატა ურუშაძე, მერის მოადგილე-ეკატერინე გუჯაბიძე, ა(ა)იპ „ლანჩხუთის კულტურის დაწესებულებათა გაერთიანების“ დირექტორი-დავით წერეთელი.

სხდომის თავმჯდომარემ, მაკა მშვიდლობაძემ სხდომა გახსნილად გამოაცხადა და ფრაქციის წევრებს გააცნო დღის წესრიგის პროექტი.

დღის წესრიგი:

1. „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და აპარატის მოსამსახურეთა სამტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 18 იანვრის №5 დადგენილებაში ცვლილების შეტანის შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი: მაკა მშვიდლობაძე/

2. „ლანჩხუთის მუნიციპალიტეტის 2022 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 25 ნოემბრის N26 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი: მაკა მშვიდლობაძე/

3. „ლანჩხუთის მუნიციპალიტეტის – განათლების ხელშეწყობის; კულტურის ღონისძიებების; სპორტული ღონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 29 იანვრის N1 დადგენილებაში ცვლილების შეტანის შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი: მაკა მშვიდლობაძე/

4. ლანჩხუთის მერიის შიდა აუდიტისა და ინსპექტირების სამსახურის მიერ ა(ა)იპ „ლანჩხუთის კულტურის დაწესებულებათა გაერთიანების“ მუშაობის აუდიტორული ანგარიშის შესახებ.

/მომხსენებელი: მაკა მშვიდლობაძე/

5. სხვადასხვა:

1. დღის წესრიგის პირველ საკითხზე - „ლანჩხუთის მუნიციპალიტეტის საკრებულოს პოლიტიკურ

თანამდებობის პირთა და აპარატის მოსამსახურეთა სამტატო ნუსხისა და თანამდებობრივი სარგოს ოდენობების დამტკიცების შესახებ“ ლანჩხუთის მუნიციპალიტეტის საკრებულოს 2018 წლის 18 იანვრის №5 დადგენილებაში ცვლილების შეტანის შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის სხდომას გააცნო ფრაქციის თავმჯდომარემ მაკა მშვიდობაძემ, მან აღნიშნა, რომ „ლანჩხუთის მუნიციპალიტეტის საკრებულოს პოლიტიკურ თანამდებობის პირთა და აპარატის მოსამსახურეთა სამტატო ნუსხისა და თანამდებობრივი სარგოს ოდენობებში“ შესატანი ცვლილებები განპირობებულია საქართველოს მთავრობის გადაწყვეტილების საფუძველზე. კერძოდ, პოლიტიკურ თანამდებობის პირთა ხელფასების წლების განმავლობაში არ გაზრდილა. მათი საქმიანობის დაფასებისა და მოტივაციის გაზრდის მიზნით, მთავრობამ მიიღო გადაწყვეტილება ხელფასების გარკვეული რაოდენობით გაზრდის შესახებ. აღნიშნულიდან გამომდინარე, აუცილებელია ლანჩხუთის მუნიციპალიტეტის საკრებულოში ხელფასების მოწესრიგება.

ფრაქციის წევრი გოჩა ჯანაშია დაინტერესდა, იმატებს თუ არა საკრებულოს აპარატის თანამშრომლების ხელფასები, მისი თქმით ცუდი ტენდენცია არ არის ხელფასების მატება, მაგრამ კარგი იქნება თუ ა(ა)იპ-ების თანამშრომლებსაც მოემატებათ ხელფასი, რადგან დაბალი ხელფასებია. როლანდ ლაშხიამ უპასუხა, რომ გათვალისწინებულია, განსაკუთრებით ბაღების თანამშრომლებზე. ფრაქციის წევრებმა აღნიშნეს, რომ საკითხი ბუნდოვანია და თავს შეიკავებენ მხარდაჭერისგან. კენჭისყრაში მონაწილეობა არ მიიღო ფრაქციის სამმა წევრმა (მაკა მშვიდობაძე, გოჩა ჯანაშია, ჯუმბერ ბლაგიძე).

2. დღის წესრიგის მეორე საკითხზე - „ლანჩხუთის მუნიციპალიტეტის 2022 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 25 ნოემბრის N26 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის საფინანსო-საბიუჯეტო სამსახურის უფროსმა როლანდ ლაშხიამ. მან აღნიშნა, რომ საქართველოს მთავრობის 2021 წლის 16 აგვისტოს N1419 განკარგულებაში, საქართველოს მთავრობის 2021 წლის 27 დეკემბრის N2380 განკარგულებით შეტანილი ცვლილებებით ლანჩხუთის მუნიციპალიტეტის ჩიბათის ადმინისტრაციულ ერთეულში, კოლხეთის ეროვნულ პარკთან მისასვლელი გზის რეაბილიტაცია, ტურისტული ინფრასტრუქტურის მოწყობა და ელექტროფიკაციის სამუშაოების დაფინანსებისათვის გამოიყო 1639804 ლარი, თანადაფინანსებით ადგილობრივი ბიუჯეტიდან უნდა მიიმართოს 16564 ლარი სულ პროექტის მთლიანი ღირებულებაა 1656368 ლარი; სოფელ ორაგვეში ტურისტული ინფრასტრუქტურის მოწყობაზე და მისასვლელი გზის რეაბილიტაციაზე გამოიყო 1380570 ლარი; თანადაფინანსებით ადგილობრივი ბიუჯეტიდან უნდა მიიმართოს 13945 ლარი, სულ პროექტის ღირებულება 1394515 ლარი. აღნიშნული პროექტების თანადაფინანსება განხორციელდეს ბიუჯეტის თავისუფალი ნაშთის ხარჯზე. საქართველოს მთავრობის 2021 წლის 11 მარტის N330 განკარგულებით მუნიციპალიტეტისათვის თანხის ნაშთიდან მიიმართოს სტიქიის შედეგად დაზიანებული ოჯახებისათვის სახლის მრავალბინიანი საცხოვრებელი სახლის გადახურვის სამუშაოებზე 118246 ლარი, სუფსის ადმინისტრაციულ ერთეულში სტიქიის (მეხის დაცემის) შედეგად დამწვარი სახლის აღდგენის სამუშაოზე 92955 ლარი. ლანჩხუთის მუნიციპალიტეტის სოფ. გრიგოლეთში სასტუმრო ლაშთანთან წყლის კორექტორების მოწყობის სამუშაოებზე 187777 ლარი. აცანის ადმინისტრაციულ ერთეულში კულტურის სახლის სახურავის რეაბილიტაციაზე 118888 ლარი, სუფსის ადმინისტრაციულ ერთეულში კულტურის სახლის სახურავის რეაბილიტაციაზე 79124 ლარი, ლანჩხუთის მუნიციპალიტეტის სოფელ ქვიანში, სოფელ მოედანში და სოფელ ბაღლეფში სტიქიის შედეგად დაზიანებული ხიდების სარეაბილიტაციო სამუშაოებზე მიიმართოს 865120 ლარი. ფრაქციის წევრი ჯუმბერ ბლაგიძე დაინტერესდა როდის დასრულდება ლანჩხუთის შიდა ქუჩების მოწყობა რომ ყურადღება მიაქციონ სოფლებსაც.

ფრაქციის წევრებმა აღნიშნეს, რომ საკითხი ბუნდოვანია და თავს შეიკავებენ მხარდაჭერისგან.

კენჭისყრაში მონაწილეობა არ მიიღო ფრაქციის სამმა წევრმა (მაკა მშვიდობაძე, გოჩა ჯანაშია, ჯუმბერ ბლაგიძე).

3. დღის წესრიგის მესამე საკითხზე: - „ლანჩხუთის მუნიციპალიტეტის - განათლების ხელმეწეობის; კულტურის დონისძიებების; სპორტული დონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 29 იანვრის N1 დადგენილებაში ცვლილების შეტანის შესახებ“ ლანჩხუთის მუნიციპალიტეტის საკრებულოს

დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის განათლების, კულტურის, სპორტისა და ახალგაზრდულ საქმეთა სამსახურის უფროსის მოვალეობის შემსრულებელმა პაატა ურუშაძემ. მისი განმარტებით, „ლანჩხუთის მუნიციპალიტეტის – განათლების ხელშეწყობის; კულტურის ღონისძიებების; სპორტული ღონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 29 იანვრის N1 დადგენილებაში უნდა შევიდეს ცვლილება, კერძოდ:

ა) დადგენილების პირველი მუხლით დამტკიცებული დანართის „ლანჩხუთის მუნიციპალიტეტის – განათლების ხელშეწყობის; კულტურის ღონისძიებების; სპორტული ღონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის“ მე-3 მუხლი ჩამოყალიბდეს შემდეგი რედაქციით:

„მუხლი 3. წარმატებული სპორტსმენის, მწვრთნელის, ღვაწლმოსილი ვეტერანი სპორტსმენის დაჯილდოება.

1. წარმატებული სპორტსმენის ფულადი ჯილდოს ოდენობა განისაზღვროს შემდეგი სახით:

ა) საქართველოს ჩემპიონატის: I ადგილი – 600 ლარი, II ადგილი – 400 ლარი, III ადგილი – 300 ლარი.

ბ) ევროპის ჩემპიონატის: I ადგილი – 800 ლარი, II ადგილი – 600 ლარი, III ადგილი – 500 ლარი.

გ) მსოფლიო ჩემპიონატის: I ადგილი – 1 000 ლარი, II ადგილი – 800 ლარი, III ადგილი – 600 ლარი.

დ) ოლიმპიური თამაშების I ადგილი – 2 000 ლარი, II ადგილი – 1 500 ლარი, III ადგილი – 1000 ლარი.

2. წარმატებული სპორტსმენის მწვრთნელის ფულადი ჯილდოს ოდენობა განისაზღვროს შემდეგი სახით:

ა) საქართველოს ჩემპიონატის: I ადგილი – 400 ლარი, II ადგილი – 300 ლარი, III ადგილი – 200 ლარი.

ბ) ევროპის ჩემპიონატის: I ადგილი – 600 ლარი, II ადგილი – 400 ლარი, III ადგილი – 300 ლარი.

გ) მსოფლიო ჩემპიონატის: I ადგილი – 800 ლარი, II ადგილი – 600 ლარი, III ადგილი – 400 ლარი.

დ) ოლიმპიური თამაშების: I ადგილი – 1500 ლარი, II ადგილი – 1200 ლარი, III ადგილი – 1000 ლარი.

3. წარმატებული გუნდის ფულადი ჯილდოს ოდენობა განისაზღვროს შემდეგი სახით: საქართველოს ოფიციალური ჩემპიონატის I- ადგილი 2 000 ლარი, II-ადგილი 1 500 ლარი, III-ადგილი 1 000 ლარი.

4. ღვაწლმოსილი ვეტერანი სპორტსმენის ფულადი ჯილდოს ოდენობა განისაზღვროს საბიუჯეტო წლის მანძილზე ერთჯერადად გასაცემი თანხით - 300 ლარის ოდენობით.“

ბ) დადგენილების პირველი მუხლით დამტკიცებული დანართის „ლანჩხუთის მუნიციპალიტეტის – განათლების ხელშეწყობის; კულტურის ღონისძიებების; სპორტული ღონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის“ მე-5 მუხლი ჩამოყალიბდეს შემდეგი რედაქციით:

„მუხლი 5. ხელოვნების სხვადასხვა ჟანრის ინდივიდუალური შემსრულებლების, ხელოვნების წარმომადგენლობების, შემოქმედებითი დასების ხელმძღვანელი პირების დაჯილდოება.

1. ხელოვნების სხვადასხვა ჟანრის ინდივიდუალური შემსრულებლების ფულადი ჯილდოს ოდენობა განისაზღვროს შემდეგი სახით:

ა) საქართველოს მასშტაბით ფესტივალ-კონკურსებზე გამარჯვების შემთხვევაში: I ადგილი – 300 ლარი, II ადგილი – 200 ლარი, III ადგილი – 100 ლარი.

ბ) საერთაშორისო ფესტივალ-კონკურსებზე გამარჯვების შემთხვევაში: I ადგილი – 500 ლარი, II ადგილი – 300 ლარი, III ადგილი – 200 ლარი.

2. ხელოვნების წარმომადგენლობების ფულადი ჯილდოს ოდენობა განისაზღვროს შემდეგი სახით:

ა) საქართველოს მასშტაბით ფესტივალ-კონკურსებზე გამარჯვების შემთხვევაში: I ადგილი – 1000 ლარი, II ადგილი – 800 ლარი, III ადგილი – 600 ლარი.

ბ) საერთაშორისო ფესტივალ-კონკურსებზე გამარჯვების შემთხვევაში: I ადგილი – 1200 ლარი, II ადგილი – 1000 ლარი, III ადგილი – 800 ლარი.

3. შემოქმედებითი დასების და ინდივიდუალური შემსრულებლების ხელმძღვანელი პირების ფულადი ჯილდოს ოდენობა განისაზღვროს შემდეგი სახით:

ა) საქართველოს მასშტაბით ფესტივალ-კონკურსებზე გამარჯვების შემთხვევაში I ადგილი – 200 ლარი.

ბ) საერთაშორისო ფესტივალ-კონკურსებზე გამარჯვების შემთხვევაში I ადგილი – 300 ლარი.“

გ) დადგენილების პირველი მუხლით დამტკიცებული დანართის „ლანჩხუთის მუნიციპალიტეტის – განათლების ხელშეწყობის; კულტურის ღონისძიებების; სპორტული ღონისძიებების და

ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის“ მე-6 მუხლი ჩამოყალიბდეს შემდეგი რედაქციით:

„მუხლი 6. გამარჯვებული გუნდის ან/და ინდივიდუალური მონაწილის დაჯილდოება.

ლანჩხუთის მუნიციპალიტეტის მერიის შესაბამისი სამსახურის მიერ ორგანიზებული-საგანამანთლებლო, კულტურული, სპორტული და ახალგაზრდული ღონისძიებების მონაწილე გამარჯვებული გუნდისა და ინდივიდუალური მონაწილის ფულადი ჯილდოს ოდენობა განისაზღვროს შემდეგი სახით:

ა) გუნდი: I ადგილი - 500 ლარი; II ადგილი - 300 ლარი;

ბ) ინდივიდუალური მონაწილე: I ადგილი- 300 ლარი; II ადგილი - 200 ლარი; III ადგილი - 200 ლარი.“

ფრაქციის წევრმა გოჩა ჯანაშიამ აღნიშნა, რომ მოხარული იქნება თუ მეტადაც წაახალისებენ სპორტმენებს, მოიწონა, რომ მოხდება ინვენტარის შეძენა პირდაპირ და არ გამოცხადდება ტენდერი, როგორც წინა წლებში იყო. ფრაქციის წევრებმა მხარდაჭერა გამოთქვეს აღნიშნულ საკითხზე.

სხდომის თავმჯდომარემ კენჭისყრაზე დააყენა საკითხი.

კენჭისყრის შედეგები:

მომხრე-3

წინააღმდეგი - 0

4. დღის წესრიგის მეოთხე საკითხზე: - ლანჩხუთის მერიის შიდა აუდიტისა და ინსპექტირების სამსახურის მიერ ა(ა)იპ „ლანჩხუთის კულტურის გაერთიანების“ მუშაობის აუდიტორული ანგარიშის შესახებ ისაუბრა კულტურის დაწესებულებათა გაერთიანების დირექტორმა დავით წერეთელმა. ფრაქციის თავმჯდომარე მაკა მშვიდლობაძემ განმარტა, რომ იგი დეტალურად გაეცნო აუდიტის დასკვნას და გაუჩნდა ბევრი კითხვა. დავით წერეთელმა განმარტა, რომ მიღებული შენიშვნები გათვალისწინებული იქნება, თუმცა სერიოზული დარღვევა არ ქონია, იგი არ ეთანხმება აუდიტის დასკვნას და აღნიშნავს, რომ წინა წლებშიც რომ მიეღოთ მსგავსი შენიშვნები, ის აუცილებლად გაითვალისწინებდა, ასევე წერეთელის განმარტებით მას შესყიდვებთან დაკავშირებით ყველა დოკუმენტი აქვს ატვირთული, მაგრამ რატომღაც აუდიტმა ვერ იპოვა იგი. როგორც დავით წერეთელმა თქვა, ლანჩხუთი სამუშაოდ რთული მუნიციპალიტეტია. მას უკვე დაწერილი აქვს განცხადება სამსახურიდან წასვლის შესახებ.

ფრაქციის წევრმა გოჩა ჯანაშიამ დააყენა წინადადება, რომ ჩატარდეს კომისიების გაერთიანებული სხდომა და განხილული იქნეს აღნიშნული აუდიტის დასკვნა. რასაც ფრაქციის ყველა წევრი დაეთანხმა.

სხვადასხვაში: ფრაქციის წევრმა ჯუმბერ ბლაგიძემ დააყენა წინადადება სამუშაო პირობების გასაუმჯობესებლად. მან ასევე ისაუბრა რეორგანიზაციაზე და აღნიშნა, რომ მიმდინარეობს სამსახურიდან ხალხის გათავისუფლება.

ვინაიდან სხვა საკითხები ფრაქციის წევრების მიერ არ დასმულა, ფრაქციის თავმჯდომარემ სხდომა დასრულად გამოაცხადა.

ფრაქ



მაკა მშვიდლობაძე

ლანჩხუთის მუნიციპალიტეტის საკრებულო-საკრებულოს ფრაქცია „ლანჩხუთი საქართველოსთვის“-საკრებულოს ფრაქცია „ლანჩხუთი საქართველოსთვის“ თავმჯდომარე

ლანჩხუთის მუნიციპალიტეტის საკრებულოს ფრაქციის
„ლანჩხუთი საქართველოსთვის“ სხდომაზე დეპუტატთა
დასწრების სარეგისტრაციო ფურცელი

21.01.2022 წელი

14:00 საათი

№	სახელი, გვარი	გამოცხადების დრო	ხელმოწერა
1	მაკა მშვიდლობაძე	13:45	
2	გოჩა ჯანაშია	13:40	
3	ჯუმბერ ბლაგიძე	13:30	